

Ar beleg : Plijet geneoc'h, Aotrou Doue,... ha distro hor Salver Jezuz-Krist :
R/ : Rak deoc'h-C'hwi, Aotrou Doue, emañ ar Rouantelezh hag ar gloar a-holl-viskoazh da virviken. Amen.

Lid ar peoc'h :

Ar beleg : Salver Jezuz-Krist... a-holl-viskoazh da virviken.

Peoc'h hor Salver a vo bepred geneoc'h.

R/ : Ha get ho spered !

Oan Doue :

Oan Doue a lam pec'hedoù ar bed : **ho pezit truez doc'homp ! (bis)**
d'hon douar, roit peoc'h an neañv !

Kent ar gomunion :

Ar beleg : Eürus ar re a zo galvet da bred santel an Oan.

Setu Oan Doue, an hini a lam pec'hedoù ar bed :

**R/ : Man Doue, ned on ket dign ma tait davedon,
met lârit ur ger hepken hag e vo aesaet din.**

Komunion :

1 Me 'gav hir an amzer

A dremenan er bed,

Mar n'am eus ma Salver

D'am c'honfortiñ bepred.

2 Dalc'hmat eh on losket

Get tan e garantez,

Ha debret ma spered

Get e soñj noz ha deiz.

Kerzhit, m' Ael gardien,

Da lâret d'am Jezuz :

Hepdon eh on e poen,

Diskonfort, hirvoudus.

3 Ha pell e vo ret din

Gortoz an deiz kaer-se ?

Pegourz en ho kwelin,

Jezuz, e lein an ne ?

'Cit kloziñ an oferenn :

Ar beleg : An Aotrou Doue geneoc'h :

R/ : Ha get ho spered !

Ar beleg : Doue hollgelloudek d'ho pennigiñ :

An Tad, ar Mab hag ar Spered Santel.

R/ : Amen !

Ar beleg : Kerzhit e peoc'h hor Salver :

R/ : Bennozh da Zoue !

Kan-dibenn :

Ni ho salud get karantez,

Rouanez ar Sent hag an Aelez !

C' hwi a zo benniget, Ô pia !

Hag a c'hrasoù karget : Ave Maria !

Benniget eo ivez Jezuz

Ar frouezh a ho korf presius,

Mammenn a santelezh, Ô pia !

Hag a salvedigezh : Ave Maria !

Plijet geneoc'h, Mamm a zouster,

P'arrivo hon diwezhañ eur,

Aveidomp get Jezuz, Ô pia !

Goulenn ur marv eürus : Ave Maria !



Bep sul ketañ ar miz, overenn da **10e30** e chapel ar Werc'hez.

Overenn da zonet : d'ar **6 a viz Du.**

Parrez KerAnna

27^{et} Sul ordinal / 2 a viz Here 2022

Kan digor :

Avel hon tadoù, ni vo tud a feiz !

Doue a vo bepred hor Mestr hag hor Roue (2 wezh)

1 Doue a vo bepred Mestr ar pep tiegezh :

Tier Arvoriz 'vo e rouantelezh. (2 wezh)

2 En hon tiegezhioù, sellet 'vo 'vel Roue

Get an tad, ar vamm hag ar vugale.

3 Doue a vo ar Mestr ar hor bugale,

Ma chomo enne dalc'hmat bev er fe(iz).

4 Mar sentont dalc'hmat doc'h gourc'hemenn Doue,

E kavint getañ peoc'h ha levenez.

5 Doue a vo bepred Mestr e Breizh-izel :

Ya, kentoc'h mervel 'veit en dilezel !

Salud d'ar bobl :

*Ar beleg : Gras hor Salver Jezuz-Krist, karantez Doue an Tad
hag unaniezh ar Spered Santel, ra vint geneoc'h-holl :*

Respont : Ha get ho spered !

Kyrie

Gloria : (Guilloù) Gloria ! Gloria ! In excelsis Deo ! (2 wezh)

Peoc'h ar an douar d'an dud karet getañ ; Ho meuliñ a reomp. Ho trugarekaat a reomp. Hoc'h adoriñ a reomp. Enor deoc'h a ganomp ha mil bennozh aveit ho kloar hep par. Aotrou Doue, Roue an neañv, Doue an Tad hollgellougek.

Aotrou, Mab unganet, Salver Jezuz. Aotrou ha Doue, Mab an Tad. C'hwi hag a lam pec'hed ar bed, ho pet truez doc'homp. C'hwi hag a lam pec'hed ar bed, degemerit hor pedenn. C'hwi hag a zo azezet en tu dehoù d'an Tad, ho pet truez doc'homp.

Rak C'hwi hepken a zo santel. C'hwi hepken a zo Mestr. C'hwi hepken a zo uhelmeurbet, Salver Jezuz, Get ar Spered Santel, e gloar Doue an Tad. Amen !

Lennadenn getañ : Lennadenn tennet a ziougan Habakouk.

Betek pegeit, Aotrou, ho kalvin-me d'am sikour hep na glevahec'h ? E-pad pegeit amzer e kriñ-me davedoc'h : «Gwaskerezh !» hep ma tahec'h d'am salviñ.

Perak ma lakaat da welet an droukañs ? Hag e rankan sellet doc'h ar boan ?

Dirazon ne welan ken nemet skraperezh ha gwaskerezh, tabud ha disunvaniezh é kreskiñ ! Neuze an Aotrou en em lakaas da gomz hag a lâras din : «Skrivit ar weledigezh hag engravit-hi e lizherennoù aes da lenn ar dabletennoù evit ma vo lennet hep poan. Rak ar weledigezh-mañ a roay testoni en he c'hours; he fal a zo merchet ha ne vanko ket arnezhañ. Ma seblant tardiñ da zonet, gortozit-hi : arriv

a ray sur d'an termen lakaet dezhi. Setu diskaret an hini 'zo direizh e eneañv, met an den just a vevo dre nerzh e fealded. Nann, ne chomo ket bev an den fallakr, ne ray ket berzh an den lorc'hus.

Setu komz an Aotrou Doue : **Bennozh da Zoue !**

Psalm 94 : Ra vehed'h hiriv evit selaou bouezh an Aotrou,
na galedit ket ho kalonoù.

Dait ha kanomp get Joa d'an Aotrou;

youc'homp en enor da Zoue, hor Salver.

En em ziskouezomp diraktañ get melasionoù,

ha rentomp klod dezhañ get hor gwerzennoù.

Dait enta, stouomp hag azeulomp,

ha daoulinomp dirak an Aotrou, hor c'hrouer,

rak, Eñ a zo hon Doue.

ha ni ar bobl maget getañ hag an deñved renet get e zorn.

Na galedit ket ho kalonoù 'vel e Meriba,

'vel er gouelec'h da zeiz Masa,

e lec'h m'on bet temptet hag amprouvet get ho tadoù :

ha neoazh o devoa gwelet ma oberoù.

Eil lennadenn : Lennadenn tennet ag eil lizher an apostol Paol da Dimoteoz.

Ma mab muiañ-karet. Setu perak e c'hourc'hemennan deoc'h bevaat a-nevez an donezon-Doue ho peus resevet pa em eus astennet ma daouarn àrnoc'h. Rak, ar Spered en deus Doue roet deomp n'eo ket unan hag a rahe ac'hanomp tud aonik, met ur Spered a nerzh, a garantez, a furnezh an hini eo. Erbat deoc'h enta bout mezhañ ag an testoni ho peus da reiñ d'hon Aotrou, na mezhañ ac'hanon e brizoniad; met kentoc'h, asantit gouzañv poan genin evit an Aviel, dre nerzh gelloud Doue. Kemerit da batrom ar c'homzoù yac'h ac'h eus klevet genin a-zivout ar feiz hag ar garantez a zo er C'hrist Jezuz. Mirit ar gelennadurezh vat a zo bet fiziet ennoc'h, get sikour ar Spered Santel a zo é chom ennomp.

Setu komz an Aotrou Doue : **Bennozh da Zoue !**

Allelouia :

Ar beleg : *An Aotrou Doue geneoc'h* : **Ha get ho spered.**

Ar beleg : *Lennadenn ag an Aviel santel hervez St Lukaz.*

Ar bobl : **Gloar deoc'h-Chwi, ô Aotrou Krist !**

Aviel : *En amzer-se e lâras an apostoled d'an Aotrou : «Kresk ennomp ar feiz !» An Aotrou a respontas : «Ma vehe ken bras ho feiz hag ur greunenn zezv e lârahec'h d'ar wezenn-mañ : En em ziwriziennit ha kit d'en em blantiñ er mor ! Hag e sentahe doc'hoc'h. Piv ac'hanoc'h, mar en deus ur servitour ec'h arat pe é vesat a lâro dezhañ pa zistroo ag ar park : «Dait buan da azeziñ doc'h taol» ? Ha ne lâro ket kentoc'h dezhañ : «Alejit din un dra bennak da zebriñ, ha stardit ho kouriz d'am servijiñ. A p'em bo-me debret hag evet, neuze e c'hellahet-c'hwi debriñ hag evet d'ho tro» ? Hag anaoudegezh vat en devo e-keñver ar servitour-se dre m'en devo graet ar pezh a oa gourc'hemennet dezhañ ? Evel-se, c'hwi ivez,*

pa ho po graet razh ar pezh a zo bet gourc'hemennet deoc'h, lârit : «Serviterion dister omp : Ni n'hon eus graet ken nemet ar pezh a zleemp gober.»

En dibenn : ar beleg : Setu Komz an Aotrou :

R/ : Meuleudi deoc'h, ô Aotrou Krist !

Kredo : **Me 'gred e Doue, an Tad hollgelloudek**, Kroueour an neañv hag an douar, hag e Jezuz-Krist, e Vab unganet, hon Aotrou, a zo bet koñsevet dre nerzh ar Spered Santel, ganet ag ar Werc'hez Vari, en deus gouzañvet dindan Poñs Pilat, a zo bet staget doc'h ar groaz, marvet ha bet lakaet er bez, diskennet d'an ifernioù, daet a varv da vev an drivet deiz, pignet d'an neañv, hag azezet en tu dehoù an Tad, a-eno e tay da varn ar re vev hag ar re varv. Me 'gred er Spered Santel, en Iliz santel katolik, e kumunded ar Sent, e pardon ar pec'hedoù, e adsav ar re varv, er vuhez peurbadus. Amen !

Pedenn hollbedel :

Aotrou, hon Doue, ô Tad Santel, selaouit hor pedenn !

Lid ar profoù : *ar beleg : Pedit, mam breudeur, ma plijo get Doue an Tad hollgelloudek degemer ma sakrifis a zo ivez ho hani-c'hwi :*

R/ : Plijet get Doue en degemer ag ho taouarn, aveit e c'hloar hag e veuleudi, aveit hor mad-ni hag hani an Iliz.

Prefas :

Ar beleg : An Aotrou Doue geneoc'h :

R/ : Ha get ho spered !

Ar beleg : Hor c'halon d'an uhel :

R/ : Emañ troet trema Doue !

Ar beleg : Trugarekaomp hon Aotrou Doue :

R/ : Just ha santel eo !

Santel :

Santel ! Santel ! Santel ! An Aotrou Doue, Mestr an ne hag an douar !

Lan eo get ho kloar an neñv hag an douar : **Hosanna e lein an ne !**

Ra vo benniget an hani a za e anv an Aotrou Doue : **Hosanna e lein an ne !**

Gorreoù : **Ra vo meulet !**

Ra vo meulet Jezuz hon Doue, en deus 'veidomp roet e vuhez :

Ra vo meulet get levenez Jezuz savet bev ag ar bez :

Ra vo meulet Jezuz Salver a zay en-dro 'kreiz e splannder :

Hon Tad :

hag a zo en neañv, hoc'h anv ra vo santelaet,

Ho rouantelezh degaset deomp,

Ho vennantez ra vo graet àr an douar 'vel an neañv.

Roit deomp hiriv hor bara pemdeziek,

Pardonit deomp hor pec'hedoù,

'vel ma pardonomp d'ar re o deus pec'hed doc'homp,

Ha n'hon laosket ket da gouezh en tantasion

Met hon diwallit doc'h an droug.